

Zyma je morjawa,  
 Kiž, štož je rostlina,  
 Z jědom tu zawdawa:

Hdže je zeleń, kwětki, róže rjane,  
 Hač sej wóčko k wokřewjenju žada?  
 Kćěwy wjac tu njejsu nihdže žane;  
 Z dycha zymskoh' wjadnje wšo a pada;  
 Štož bě kćěło a so zeleniło,  
 Je do smjertnoh' spanja zawjaznyło!

O zyma ty morjawa,  
 Sy kruta a njesmilna  
 So smjertny rub wodźěła!

Zyma je kralowa,  
 Knježerka wulkotna,  
 Wobšěrnoh' kralestwa.

Z kóncow wobej morjow lodoweju,  
 Hdžež su sněhi jenož, lód a mrózy,  
 Hdžež tam mjerznje, wětry dźiwje wěju,  
 Hdžež so z ćežu wohrěwaju wbozy,  
 Džěcata so suwaju po lodže,  
 Tam zła zyma sceptař z krónu wjedže.

O zyma ty kralowa,  
 Kiž sceptař a krónu má  
 Najwjetšoh' kralestwa!

Zyma je krasnica,  
 Rjana a spodziwna,  
 W dejmantach blyščata.

Nutřka zdebja wokno kwětki krasne,  
 Wonka pola, hola, keřk a prućik  
 Tysacoro zybola so jasne;  
 Z womjerzlinu swětly kóždy šmućik  
 Blyšći so, zo lědma wóčko znjese  
 Wšón tón blyskot, debjeństwo to čiste.

O zyma ty krasnica,  
 Sy rjana a spodziwna  
 We dejmantach blyščata!

Zyma je wěšćeřka, —  
 Dokelž je zachodna,  
 Rjeńše dny wěščata.